

ՍՈՎԵՏԱԿԱՆ ՀԱՅՍՏԱՍՏՈՒՆԻ 10-ԱՄՅԱԿԻՆ

Գ. Բ. Ղափրջյանին

Վ. Ի. ԼԵՆԻՆԸ ԵՎ ՍՈՎԵՏԱԿԱՆ ԻՇԽԱՆՈՒԹՅԱՆ ԱՄՐԱՊՆԴՈՒՄԸ
ԱՆԴՐԿՈՎԿԱՍՈՒՄ

Մեր երկրի բոլոր ժողովուրդները, ամբողջ աշխարհի պրոգրեսիվ մարդկությունը անհուն սիրով ու խանդավառությամբ նշեցին Սովետական Միության Կոմունիստական պարտիայի և Սովետական պետության հիմնադիր ու ղեկավար Վլադիմիր Իլյիչ Լենինի ծննդյան 90-րդ տարեդարձը: Վ. Ի. Լենինի անունը անսահմանորեն թանկ է բոլոր ժողովուրդների համար: Նրա ուսմունքը և դորժը հզոր լուսարձակի նման լուսավորում են հարյուր միլիոնավոր մարդկանց ուղին դեպի կոմունիզմ:

Մեծ են Վ. Ի. Լենինի ծառայությունները նաև անդրկովկասյան բազմադարյան ժողովուրդների ազատության և անկախության, նրանց ռեյուցիոն ազատագրական պայքարի կազմակերպման, Ադրբեջանում, Վրաստանում և Հայաստանում սովետական կարգերի հաղթանակի ու ամրապնդման գործում:

Վ. Ի. Լենինը իր ռեյուցիոն գործունեության հենց սկզբից զարգացնելով մարքսիզմը, նշեց ինչպես բոլոր ճնշված ու շահագործվող ժողովուրդների, այնպես էլ ադրբեջանցի, վրացի և հայ աշխատավորության ազատության ճիշտ ուղին, զլխավորեց այդ պայքարը և հասցրեց այն կատարյալ հաղթանակի:

Այս հողավածի նպատակն է հրապարակված և արխիվային կոնկրետ փաստական նյութերի հիման վրա ցույց տալ Վ. Ի. Լենինի վիթխարի դերը Անդրկովկասում Սովետական իշխանության ամրապնդման գործում 1920—1922 թվականներին:

* * *

Կազմակերպելով ու ղլխավորելով Անդրկովկասում Սովետական իշխանության հաղթանակը, Վ. Ի. Լենինը հոգ էր տանում Սովետական Անդրկովկասի ամրապնդման ու զարգացման մասին:

Բուրժուական նացիոնալիստների և օտարերկրյա իմպերիալիստների տիրապետության տարիներին Ադրբեջանը, Վրաստանն ու Հայաստանը ծայրահեղ քաջալքման էին հասել: Անվերջ պատերազմներից ավերվել էր ժողովրդական տնտեսությունը: Չափից դուրս կրճատվել էր արդյունաբերության և գյուղատնտեսության արտադրանքը: Ջրացվում էր փորձված աշխատողների մեծ կարիք: Ժողովրդի կամքով տապալված մուսավաթականները, մենշևիկները և դաշնակները իրենց օտարերկրյա տերերի հովանավորությամբ հակառեյուցիոն խռովություններ էին կազմակերպում Սովետական իշխանության դեմ:

Այսպիսի ծանր պայմաններում Վ. Ի. Լենինը նշում էր Ադրբեջանի, Հայաստանի ու Վրաստանի Սովետական ռեսպուբլիկաների պաշտպանունակության

ամրապնդման ու սոցիալիստական շինարարության խնդիրները, Սովետական Ռուսաստանի միջոցով մեծ օգնություն էր ցույց տալիս նրանց: Անդրկովկասի կոմունիստների համար ուղեցույց աստղ էին Վ. Ի. Լենինի աշխատությունները, հոգիածները, գեկուցումներն ու հեռագրերը, որոնց մեջ նշվում էին նաև Անդրկովկասի Սովետական ռեսպուբլիկաների զարգացման ուղիները: Սովետական Անդրկովկասի ներկայացուցիչները հաճախակի լինում էին Վ. Ի. Լենինի մոտ, ցուցումներ ստանում նրանից:

1920 թվականի մայիսին Վ. Ի. Լենինն ընդունում է Սովետական Ադրբեջանի Ռեկոմի նախագահ Ն. Նարիմանովին և Մոսկվայից Ադրբեջան մեկնելուց առաջ նրան կարևորագույն ցուցումներ է տալիս հետագա անելիքների մասին: Հասնելով Բաքու, Ն. Նարիմանովը Վ. Ի. Լենինին անմիջապես հեռագիր է տալիս բնակչության ռեկուլցիոն տրամադրությունների մասին: Ադրբեջանի բոլշևիկները մեծ առաջնորդին սխտեմատիկաբար տեղյակ էին պահում իրենց ռեսպուբլիկայում անցկացվող սոցիալիստական միջոցառումների մասին, նրանից ստանում էին խորհուրդներ ու ցուցումներ:

Մեծ օգնություն ստանալով Սովետական Ռուսաստանից, Ադրբեջանի աշխատավորությունն ամեն ինչ անում էր նրան վառելանյութով օգնելու համար: Վ. Ի. Լենինը բարձր էր գնահատում այս օգնությունը: 1920 թ. ապրիլի 29-ին ապակու-ճենապակու արտադրության բանվորների Համառուսաստանյան համագումարում արտասանած ճառում Վ. Ի. Լենինն ասում էր. «... Մենք լուր ստացանք, որ Բաքվի պրոլետարիատն իշխանությունը իր ձեռքն է վերցրել և տապալել ադրբեջանական կառավարությունը: Դա նշանակում է, որ մենք այժմ ունենք ալիսիստի տնտեսական բազա, որը կարող է կենտրոնացնել մեր բոլոր արդյունաբերությունը»:

1920 թ. դեկտեմբերին, Սովետների համառուսաստանյան VIII համագումարում խոսելով Սովետական Ռուսաստանի համար նախքան մեծ նշանակության մասին, Վ. Ի. Լենինն ասում է. «Պատերազմելու համար մեզ պետք է նախքան ունենալ մեր ձեռքում, առանց նախքան ժամանակակից պատերազմ մղել մենք չենք կարող»:

Վ. Ի. Լենինի ցուցումներով Սովետական Ռուսաստանը, ինչպես նաև Սովետական Ադրբեջանը մեծ օգնություն էին կազմակերպում Հայաստանի և Վրաստանի Սովետական ռեսպուբլիկաներին, նրանց տալիս էին նախքան, վառելանյութ:

1920 թ. դեկտեմբերին Վ. Ի. Լենինը ընդունում է Սովետական Հայաստանի Ռեկուլցիոն կոմիտեի անդամներ Ս. Տեր-Իսաբրիելյանին և Ա. Մուսավյանին, որոնցում նրանց հետ, ցուցումներ տալիս և խոստանում կոնկրետ օգնություն: «Մենք ինքներս դժվարին դրության մեջ ենք, — ասում է Վ. Ի. Լենինը, — բայց Սովետական Հայաստանին կօգնենք ամեն կերպ»:

Վ. Ի. Լենինը անձամբ զբաղվում է այն ժամանակ թուրքական զավթիչների կողմից գրավված Ալեքսանդրոպոլն ու Հայաստանի միակ երկաթուղին ազատելու, Սովետական Հայաստանին տնտեսապես ու կադրերով օգնելու խիստ կարևոր հարցերով:

¹ Վ. Ի. Լենին, Երկեր, հ. 31, էջ 138:

² Նույն տեղում, էջ 583:

³ Ա. Մուսավյան, Ինչպե՞ս Լենինը առաջնորդեց: Լենինի մոտ, Երևան, 1980, էջ 9:

Անդնահատելի օգնություն է ցույց տալիս Վ. Ի. Լենինը Սովետական Վրաստանին, վրաց ժողովրդին: Պահպանվել են Վ. Ի. Լենինի բազմաթիվ նամակները վրացական կոմունիստներին, որոնց մասին Անդրկովկասի բոլշևիկյան կադմակերպությունների հնագույն գործիչ Մամիա Օրախելաշվիլին հիացմունքով ասել է. «Այդ նամակները սովորաբար երկար չէին, բայց նրանք այնպես էին գրված, որ կարդալիս չէիր հանգստանում այնքան ժամանակ, քանի դեռ չես կատարել նամակի հեղինակի տված խորհուրդները»:

1921 թվականի փետրվարի 18-ին Մոսկվայում ընդունելով Ֆ. Մախարաձեն, Վ. Ի. Լենինը նրան առաջարկում է գնալ Վրաստան և հանգամանորեն խորհուրդներ է տալիս կոմունիստների տակտիկայի առանձնահատկությունների մասին Վրաստանում: Վ. Ի. Լենինի խորհուրդներն ու ցուցումները ամրապնդվում էին կոնկրետ գործերով:

1920—1921 թվականներին ՌՍՖՍՄ-ի, Ադրբեջանական ԱՍՄ-ի, Հայկական ՍՍՄ-ի և Վրացական ՍՍՄ-ի միջև փոխադարձաբար կնքվում են մի շարք համաձայնագրեր և պայմանագրեր՝ քաղաքական, տնտեսական և ուղիական հարցերի վերաբերյալ: 1920 թվականի սեպտեմբերի 30-ին Մոսկվայում ուղիա-տնտեսական դաշնագիր է կնքվում ՌՍՖՍՄ-ի և Ադրբեջանական ՍՍՄ-ի միջև: Նույն թվականի դեկտեմբերի 2-ին երևանում ուղիա-քաղաքական պայմանագիր է ստորագրվում Սովետական Ռուսաստանի և Հայկական ՍՍՄ-ի միջև, 1921 թ. մայիսի 21-ին Մոսկվայում դաշնագիր է կնքվում ՌՍՖՍՄ-ի և Սովետական Վրաստանի միջև: Այս բոլոր պայմանագրերի հիմքում ընկած էր իրավահավասարության և Սովետական Ռուսաստանի հետ եղբայրական համագործակցության լենինյան սկզբունքը: Նրա նպատակն էր ամրապնդել սովետական ռեսպուբլիկաների դաշինքը, օգնել Անդրկովկասի ժողովուրդներին ամրապնդելու խաղաղությունն ու փոխադարձ բարեկամությունը, վերականգնել ու զարգացնել քայքայված ու հետաձուլաց ժողովրդական տնտեսությունը:

Վ. Ի. Լենինի ցուցումով Անդրկովկասի ռեսպուբլիկաները մտցվել էին ՌՍՖՍՄ-ի Պարենժողկոմատի պետական պլանի մեջ և այդ պլանով սխտեմատիկաբար ստանում էին պարենամթերք:

Ստանալով Ն. Նարիմանովի նամակը Ադրբեջանի պարենային ծանր վիճակի մասին, Վ. Ի. Լենինը անմիջապես կարգադրում է պարենամթերք ուղարկել Բաքու և այդ մասին սխտեմատիկ տեղեկություններ ուղարկել անձամբ իրեն և Պարենժողկոմատին: Մինչև 1920 թ. մայիս—հունիս ամիսներին մի քանի հարյուր վագոն հաց է ուղարկվում Բաքու: 1920 թ. նոյեմբերի 27-ին ՌԿՊ(բ) Կենտկոմի Քաղբյուրոն ընդունում է Վ. Ի. Լենինի գրած որոշումը՝ Սովետական Ադրբեջանին ցույց տրվող պարենային օգնությունը բարելավելու մասին: Վ. Ի. Լենինն այդ համարում էր քաղաքական ու տնտեսական կարևորագույն խնդիր: Ստուգելով այս որոշման կատարումը, Վ. Ի. Լենինը նոյեմբերի 30-ին Պարենժողկոմին գրում էր. «Խնդրում եմ հաղորդել՝ ստացել եք Դուքարվյոք Դաղբյուրոյի որոշումը Բաքվին 100 տոկոսանոց նորմայով պարենամթերքով բավարարելու և Ադրբեջանում պարենային քաղաքականությունը փոփոխելու մասին, և այդ որոշման կապակցությամբ Դուք ինչ կարգադրություն եք արել...»⁵: 1920 թ. վերջին Վ. Ի. Լենինը հանձնարարում է

⁴ Տե՛ս Ленинский сборник, XXXIV, стр. 322—323.

⁵ Ն ու յ ն տ ե ղ ու մ, էջ 384.

շտապ խորհրդակցություն գումարել և քննարկել ն. Նարիմանովի խնդրանքը՝ Ադրբեջանին որոշակի քանակությամբ մանուֆակտուրա տալու ծախսահաշիվ անհրաժեշտության մասին⁶:

Հայաստանում սովետական կարգերի հաստատումից անմիջապես հետո, Վ. Ի. Լենինի կարգադրությամբ Նրեան են ուղարկվում երեք միլիարդ ռուբլի դրամ, մեծ քանակությամբ հաց, նավթ և այլ ապրանքներ⁷:

Ինչպես ամբողջ երկրի, այնպես էլ անդրկովկասյան ռեսպուբլիկաների ամրապնդման համար խիստ կարևոր նշանակություն ունեցան պարտիայի X համագումարի (1921 թ. մարտ) որոշումները՝ նոր տնտեսական քաղաքականություն (ՆԷՊ) անցնելու, պարտիայի միասնության, ազգային և այլ հարցերի վերաբերյալ: Վ. Ի. Լենինի ղեկավարման հիման վրա՝ Նէպի մասին համագումարի ընդունած որոշումը ապահովում էր բանվոր դասակարգի և գյուղացիության ամուր տնտեսական դաշինքը սոցիալիզմի կառուցման համար: Այդ հիմնական խնդրին էր ծառայում նաև համագումարի որոշումը ազգային հարցում պարտիայի հերթական խնդիրների մասին: Նշելով, որ բուրժուական հասարակությունը կատարյալ սնանկ դուրս եկավ ազգային հարցի լուծման գործում, համագումարն անհրաժեշտ էր գտնում ապահովել ազգային խաղաղությունն ու ազգային ազատությունը, օգնել ոչ ռուս ժողովուրդների աշխատավոր մասսաներին՝ հասնելու առաջ անցած Կենտրոնական Ռուսաստանին, զարգացնելու և ամրապնդելու իրենց մոտ սովետական պետականությունը, տնտեսության ու իշխանության մայրենի լեզվով գործող օրգանները, մամուլը, դպրոցը, թատրոնը, ակումբային գործը և այլն, կազմակերպելու և արագացնելու տեղական ազգային կադրերի պատրաստման գործը: Համագումարը դատապարտեց ազգային հարցում երկու թեքումները՝ մեծապետական (վելիկոռուսական) շովինիզմը և տեղական նացիոնալիզմը, որոնք խանգարում էին լենինյան ազգային քաղաքականության իրագործմանը:

Մարտի 16-ին ելույթ ունենալով X համագումարի փակման ժամանակ, Վ. Ի. Լենինը պատգամավորների ուշադրությունը հրավիրեց Բաքու—Թիֆլիս բացվող նավթամուղի և այն մինչև Բաթումի հասցնելու հնարավորության վրա⁸:

Համագումարից հետո ավելի է ուժեղանում օգնությունը Անդրկովկասի աշխատավորությանը:

1921 թ. ապրիլին Գ. Կ. Օրջոնիկիձենն ուղարկած հեռագրում Վ. Ի. Լենինը հաղորդում էր. «Ստացա Ձեր ծածկագիրը Անդրկովկասի պարենային հուսահատական դրության մասին: Մենք ձեռք առանք մի շարք միջոցներ, Հայաստանին մի քիչ ոսկի տվինք, հաստատեցինք պարենկոմին արված ամեն տեսակ հանձնարարությունները⁹: Նույն ամսին Վ. Ի. Լենինը Պարենժողկոմատի Ռոստովի լիազորին առաջարկում էր ձեռք առնել վճռական միջոցներ Բաքվի, Վրաստանի և Հայաստանի մատակարարման համար¹⁰: Վ. Ի. Լենինի

⁶ Ն ու յ ն տ ե գ ու մ, XXXVI, էջ 159:

⁷ Տե՛ս Վ. Ի. Լենին, Երկեր, հ. 35, էջ 521, ՄԼԻ արխիվ, ֆ. 2, ց. 1, գ. 10518:

⁸ Տե՛ս ՍԽԿՊ-ն համագումարների, կոնֆերանսների և կենտկոմի պլենումների բանաձևերում և որոշումներում, մաս 1, էջ 713—714:

⁹ Տե՛ս Վ. Ի. Լենին, Երկեր, հ. 32, էջ 331:

¹⁰ Վ. Ի. Լենին, Երկեր, հ. 35, էջ 521:

¹¹ Տե՛ս Ленинский сборник, XX, стр. 228.

հանձնարարություններով Սովետական Վրաստանում հիդրոէլեկտրակայան կառուցելու համար բաց է թողնվում հազար լոթ հարյուր ութսու ռուբլի՝ ոսկով:

Վ. Ի. Լենինի առաջարկությամբ Սովետական Ռուսաստանի Աշխատանքի և պաշտպանության խորհուրդը բազմիցս քննարկում է Անդրկովկասի ռեսպուբլիկաներին օգնություն ցույց տալու հարցը: Միջոցներ են բաց թողնվում նրանց համար արտասահմանում անհրաժեշտ ապրանքներ գնելու համար:

Վ. Ի. Լենինը ուշադրություն է հետևում և անձամբ զբաղվում էր տեղական ազգային կադրեր դաստիարակելու, կենտրոնական շրջաններից Սովետական Անդրկովկաս պարտիական, սովետական, տնտեսական կադրեր ուղարկելու, Անդրկովկասի պարտիական կադմակերպություններն ամրապնդելու գործով:

Պարտիայի ստեղծման, Սոցիալիստական ռևոլյուցիայի հաղթանակի և նրա նվաճումների համար մղված համատեղ պայքարից Վ. Ի. Լենինը անձամբ գիտեր և շատ բարձր էր գնահատում Անդրկովկասի պարտիական գործիչներից շատերին, հատկապես օգտագործում և օգնում էր նրանց հետագա աճին:

1919 թվականի հոկտեմբերի 15-ին Գ. Կ. Օրջոնիկիձեն նամակով Վ. Ի. Լենինին հայտնում էր Հարավային ռազմաճակատի 13-րդ և 14-րդ բանակների շտաբներում տրոցկիստների քայքայիչ աշխատանքի հետևանքով եղած աղաղակող անկարգությունների և հանցավոր թափափածության մասին: Ստանալով այս նամակը, Վ. Ի. Լենինը հաջորդ օրը նրա վրա մակագրում է. «Թե՛ Ունշլիխտի, թե՛ Ստալինի կարծիքների համաձայն, Սերգոն շատ հուսալի ռազմական աշխատող է: Որ նա ամենահավատարիմ և ամենագործունյա ռևոլյուցիոներ է, ես ինքս նրան գիտեմ 10 տարուց ավելի»:

1919 թ. սեպտեմբերին Վ. Ի. Լենինի ստորագրությամբ Կամոյին տրված վկայականում ասված էր. «Սույնը ներկայացնող ընկ. Կ. Պետրովին, որն ունի 483 տոմսը (մինչև 1919 թ. հոկտեմբերի 1-ը) ԿԳԿ շենքը մտնելու համար և որը աշխատում է ԿԳԿ բաժիններից մեկում, ճանաչում եմ անձամբ»:

Վ. Ի. Լենինը մեծ հոգատարություն էր ցուցաբերում Անդրկովկասի ժողովուրդների զավակներից ազգային ղեկավար կադրեր դաստիարակելու և կոփելու գործին, ներկայացնում էր նրանց բարձր պահանջներ, նամակներով, հեռագրերով, անձնական զրույցներով օգնում էր նրանց ճիշտ կողմնորոշվելու, թույլ տված սխալներն ուղղելու: Խոսելով Լենինյան ղեկավարության մեթոդների, Կովկասի կոմունիստներին Վ. Ի. Լենինի ուղարկած նամակների անգնահատելի նշանակության մասին, Մ. Օրախելաշվիլին գրել է, որ Լենինը չէր սահմանափակվում միայն դիրեկտիվներ տալով, նա ժամանակ առ ժամանակ ստուգում էր, թե ինչ է արվում, ինչ է արված, ինչ պետք է անել: «Ձգում էր նրանց, որոնցից կախված էր գործի հաջողությունը: Պահանջում էր, անհրաժեշտության դեպքում սպառնում էր պարտիական անողորմ զրատաստանով»: Վերընթեռնել Լենինի նամակները, նույնիսկ նրա՝ համաշխարհային պրոլետարիատի առաջնորդի համար չնչին թվացող հարցերի մասին, այդ նշանակում է անցնել կանխատեսման ու ղեկավարման մի ամբողջ դպրոց:

¹² Վ. Ի. Լենին, Երկեր, հ. 35, էջ 460:

Այդ նամակները, որպես կանոն երկար չէին, բայց գրված էին այնպես, որ կարդալուց հետո չես հանգստանում այնքան ժամանակ, քանի դեռ չես կատարել նամակի հեղինակի խորհուրդները¹³։

Վ. Ի. Լենինի առաջարկով 1921 թ. ապրիլին Անդրկովկաս աշխատանքի է ուղարկվում մինչ այդ Վ. Ի. Լենինի անմիջական ղեկավարությամբ Մոսկվայում աշխատող Ա. Մյասնիկյանը։ Մոսկվայից մեկնելուց առաջ Վ. Ի. Լենինն ընդունելով Ա. Մյասնիկյանին, մանրամասն դրույց է ունենում նրա հետ. խորհուրդներ ու ցուցումներ է տալիս Կովկասի կոմունիստների անկիճների մասին։ Մենք մանրամասն գրուցեցինք այն մասին, — գրում է Ա. Մյասնիկյանը, — թե ինչպես պիտի աշխատել Կովկասում, ինչ ձևով պետք է հաշվի առնել ուսական ուսուցիչի փորձը, ինչ քաղաքականություն վարել Թուրքիայի նկատմամբ։ Լենինը խորհուրդներ էր տալիս զգույշ և նրբանկատ լինել արևելքի ժողովուրդների նկատմամբ... Եւ խոսքով նա այն ժամանակ շարադրում էր մեր այն գիծը, որը մենք 1921 թվականից սկսած անց ենք կացնում Անդրկովկասում և Մերձավոր Արևելքում¹⁴։

Այդ նույն ժամանակ Վ. Ի. Լենինը նամակ է ուղարկում Կովկասի ընկերներին։ Այդ նամակը «Ադրբեջանի, Վրաստանի, Հայաստանի, Դաղստանի, Լեռնականների ռեսպուբլիկայի կոմունիստ ընկերներին» վերնագրով գրված է 1921 թ. ապրիլի 14-ին և դեռ այն ժամանակ բազմիցս հրատարակվել է բոլշևիկյան մամուլում¹⁵։ Կովկասի կոմունիստների հետագա ամբողջ գործունեության համար ծրագրային նշանակություն ունեցող այս նամակում Վ. Ի. Լենինը ջերմորեն ողջունում էր Կովկասի սովետական ռեսպուբլիկաներին և հույս էր հայտնում, որ նրանց սերտ դաշինքը կստեղծի ազգային խաղաղության մի այնպիսի օրինակ, որը չի տեսնված բուրժուազիայի ժամանակ և անհնարին է բուրժուական հասարակարգում։ Վ. Ի. Լենինը խնդիր է դնում ամրապնդել սովետական իշխանությունը, ազգային խաղաղությունը, խնայցիորեն հաշվի առնել տեղական առանձնահատկությունները, Կովկասի կոնկրետ պայմանները, նշում էր էլեկտրիֆիկացիայի, ոռոգման խոշոր աշխատանքների ծավալման անհրաժեշտությունը։

Կովկասի կոմունիստների համար ամենակարևոր խնդիրը Վ. Ի. Լենինը համարում էր Սովետական իշխանության պահպանումն ու զարգացումը, որպես անցում դեպի սոցիալիզմ։ Նա հատկապես ընդգծում էր Անդրկովկասյան ռեսպուբլիկաների դրության առանձնահատկությունը՝ ի տարբերություն Սովետական Ռուսաստանի դրության ու պայմանների։

«Ավելի դանդաղ, ավելի զգույշ, — գրում էր Վ. Ի. Լենինը, — ավելի սխտեմատիկ անցում դեպի սոցիալիզմ, — անա թե ինչն է հնարավոր ու անհրաժեշտ Կովկասի ռեսպուբլիկաների համար՝ ի տարբերություն ՌՍՖՍՌ-ի։ Ահա թե ինչն է հարկավոր հասկանալ ու կարողանալ իրականացնել, ի տարբերություն մեր տակտիկայի»¹⁶։ Ելնելով Անդրկովկասի կոնկրետ պայմաններից, Վ. Ի. Լենինն առաջարկում էր աշխատել անհապաղ բարելավել գյուղացիների դրությունը և սկսել էլեկտրիֆիկացիայի, ոռոգման խոշոր աշխատանքներ։

¹³ М. Орахелашвили, Лежин и ЗСФСР. Тифлис, 1925, стр. 15.

¹⁴ Հիշողություններ Վ. Ի. Լենինի մասին, Երևան, 2, 1966, էջ 191։

¹⁵ Տե՛ս Վ. Ի. Լենին, Երկեր, հ. 32, էջ 402—403։

¹⁶ Նույն տեղում, էջ 404։

«Ուղղումն ամենից ավելի է պետք և ամենից ավելի կվերաստեղծի երկիրը, կվերածնի նրան, կթաղի անցյալը, կամրապնդի անցումը ղեպի սոցիալիզմ»¹⁷:

1921 թ. ընդունելով Դ. Բունյաթզադեին, Վ. Ի. Լենինը նշում է ազգային հարցը ճիշտ ըմբռնելու և կենսագործելու խիստ կարևորությունը: Կրեմլի իր կարիքնետում ընդունելով Բաքվի բանվորների պապիրակությունը և նրանց հետ մանրամասն զրույց ունենալով Ադրբեյջանի նավթային արդյունաբերության ղրուծյան և նրա զարգացման մասին, Վ. Ի. Լենինը Բաքվի աշխատավորությունը ցուցում է տալիս անհապաղ սկսել լուծել երկու հարց—վերականգնել նավթային արդյունաբերությունը և մշակել Մուղանի տափաստանը:

Բաքու այցելելու մասին բանվորների խնդրանքին Վ. Ի. Լենինը պատասխանում է, որ նա շատ է ուզում հանդիպել Բաքվի բանվորներին, որ նրանց նա գիտե, որպես պրոլետարիատի լավագույն ջոկատի, և, որ առաջին իսկ փոքրիկ հնարավորության դեպքում, նա կկատարի բանվորների առաջարկը:

1922 թվականի ապրիլին Վ. Ի. Լենինը հանգստանալու և բուժվելու համար ցանկություն է հայտնում դալ Վրաստան: Այդ կապակցությամբ Վ. Ի. Լենինի և Դ. Կ. Օրջոնիկիձեի միջև նամակադրություն է տեղի ունենում, որը ցույց է տալիս, թե ինչքան լավ էր ուսումնասիրել Վ. Ի. Լենինը Վրաստանը, նրա բնական, կլիմայական պայմանները, հանգստի վայրերը: Նա ուզում էր հանգստի համար այնպիսի տեղ ընտրել, սրպեսզի հարմար լինի նաև իր հարազատների համար, որոնց հետ պատրաստվում էր մեկնել Վրաստան: Ապրիլի 17-ին Ս. Օրջոնիկիձեին ուղարկած նամակում Վ. Ի. Լենինը գրում է. «Ընկ. Սերգո, ուղարկում եմ քեզ ևս մի քանի փոքր տեղեկանքներ: Նրանք ինձ հաղորդել է բժիշկը, որն ինքն անձամբ եղել է տեղում և լիովին վստահելի մարդ է»¹⁸: Այնուհետև նամակում բերվում էին տվյալներ Աբասթուանի, Բորժոմի աշխարհագրական և կլիմայական պայմանների մասին:

Առողջության վիճակի խիստ վատացման պատճառով Վ. Ի. Լենինին չհաջողվեց իրականացնել իր այս մտադրությունը:

Անդրկովկասի բոլշևիկները երախտագիտությամբ ընդունում և ճշմարտությամբ կատարում էին Վ. Ի. Լենինի բոլոր ցուցումները:

Անմիջապես պատասխանելով Վ. Ի. Լենինի 1921 թ. մարտի 2-ի նամակին, որի մեջ մեծ առաջնորդը ողջունում էր վրացական կոմունիստներին և կոնկրետ խնդիրներ էր դնում Վրաստանում սովետական կարգի ամրապնդման համար, Դ. Կ. Օրջոնիկիձեն հեռագրով հայտնում էր Վ. Ի. Լենինին, որ վրացի կոմունիստները լիովին համերաշխ են նրա հետ: Այնուհետև նա հաղորդում էր վրացական Ռեկոմի պատասխան հեռագիրը, որտեղ ռեկոմի անդամներ Մ. Օրախելաշվիլին և Շ. Էլիավան գրում էին. «Առաջին հերթին հաղորդեցեք ընկ. Լենինին մեր հիացմունքի շնորհակալությունը ողջունի համար և մեր խորը համոզմունքն այն բանում, որ նա ոչ մի բոլոր չի մոռանում մեզ, վրացական կոմունիստներին, չի հրաժարվի մեզ խելացի խորհուրդներ տալուց և կապահովի սխալներից...»:

Մ. Օրախելաշվիլին բազմիցս ընդգծել է Վ. Ի. Լենինի նամակների, խորհուրդների, ցուցումների անգնահատելի նշանակությունը Անդրկովկասի

¹⁷ Վ. Ի. Լենին. Երկեր, հ. 32, էջ 404:

¹⁸ Ленинский сборник, XXXV, стр. 345.

կոմունիստների համար, համեմատել է նրանք լուսարձակի լույսի հետ, որը լուսավորում էր իրենց ճանապարհը բարձր խնդիրներ լուծելիս: Ճշմարիտը, — գրել է Մ. Օրախելաշվիլին, — մոտ մասնակցություն էր ցույց տալիս անդրկովկասյան ռեսպուբլիկաների քաղաքական և տնտեսական բախտի կանխորոշմանը: Այդ մասնակցությունը որպես կանոն, վճռական և միշտ բարերար ազդեցություն էր ունենում¹⁹:

Բերելով Վ. Ի. Լենինի ապրիլի 14-ի նամակը Կովկասի կոմունիստներին, Մ. Օրախելաշվիլին նշում է, որ այն «լայնախոհության, պարզության և հստակության բարձր քաղաքական և տակտիկական պրոբլեմների լենինյան ընդգրկումների օրինակ է»²⁰:

Նշելով Վ. Ի. Լենինի ցուցումների հսկայական նշանակությունը վրացական կոմունիստների համար, Ֆ. Մախարիսձեն Մ. Յիսակայային ուղղած նամակում ասում էր. «Իրությունը աստիճանաբար բարելավվում է: Այդ բանում առաջին հերթին օգնեց Լենինը...»²¹:

Իմպերիալիզմի լծից ազատագրված Անդրկովկասի աշխատավորությունը անսահման սիրով էր տոգորված Վ. Ի. Լենինի նկատմամբ, մեծ երախտագիտությամբ էր ընդունում նրա ցուցումներով Սովետական Ռուսաստանի իրենց ցույց տված մեծ օգնությունը:

Պարտիական ու սովետական համագումարները, բանվորների, գյուղացիների, կոմերիտականների ժողովներ իրենց երախտագիտության առաջին խոսքերը, ողջունին հեռագրերը ուղարկում են Մոսկվա, Կրեմլ, Լենինին: Ուրախությամբ հաղորդում են մեծ առաջնորդին իրենց սոցիալիստական նվաճումների մասին:

Անդրկովկասյան Սովետական ռեսպուբլիկաների Սովետների համագումարները և նրանց մայրաքաղաքների Սովետները Վ. Ի. Լենինին ընտրում են իրենց պատվավոր նախագահն ու անդամը, աշխատավորության կամքով որոշումներ են հանվում Վ. Ի. Լենինին արձան կանգնեցնելու մասին:

1920 թ. հուլիսի 11-ին կարմիրբանակայինների և նավաստիների դեպուտատների Բաքվի Սովետի առաջին հանդիսավոր նիստը Ա. Միկոյանի ստորագրությամբ հեռագրում հարազատ Իլլիչին հաղորդում էր. «որ նա ընտրվել է Սովետի պատվավոր նախագահ: Վստահե՛ք մեզ, որպես Կարմիր Հյուսիսի և վերածնվող արևելքի սահմանին գտնվող միջազգային կոմունիզմի պողպատյա պատվարի»²², — գրում էին նիստի մասնակիցները:

1921 թվականի նոյեմբերի 8-ին Աջարական Ավտոնոմ Ռեսպուբլիկայի Սովետների առաջին համագումարի պատգամավորները իրենց հարազատ Լենինին հաղորդում էին, որ իրենք Բաթումի պրոլետարների հետ միասին մասնակցելով Հոկտեմբերյան Մեծ ռեվոլյուցիայի տարեդարձի տոնակատարությանը և մասնակցելով ամբողջ աշխարհի աշխատավորության պանծալի առաջնորդի արձանի բացմանը, հավաքվելով իրենց առաջին համագումարին, ընտրել են նրան իրենց պատվավոր նախագահ: Վաղորդելով Ձեզ այդ մասին, — գրում էին նրանք, — հղում ենք Ձեզ, համաշխարհային սո-

¹⁹ М. Орахелашвили. Ленин и ЗСФСР, Тифлис, 1925, стр. 3.

²⁰ Ն ու չ ն տ ե դ ու մ, էջ 81:

²¹ Մ ի ի ար խ ի վ, ֆ. 157, ցույց. 3, գ. 68:

²² Письма трудящихся к В. И. Ленину, М., 1960, стр. 194.

ցիալիստական ուղղության մեծ ոգեշնչողի՝ մեր ջերմ ողջունը և երկար
պանքի ցանկությունները ի փառս և ի երջանկություն ամբողջ աշխարհի աշ-
խատավորությունը»²³,

1921 թ. փետրվարին Վրաստանի և Աբրեջանի սահմանային Փոլլի կա-
յարանի մոտ Կուր գետի վրայով անցնող կամուրջի շինարարության բան-
վորները, գյուղացիները և կարմիրուսականները՝ թվով 1200 մարդ, հաջո-
ղությամբ ավարտելով իրենց աշխատանքները, որոշում են Փոլլի կամուրջը
անվանել Վ. Ի. Լենինի անվան և այդ մասին հեռագիր են ուղարկում «Միջ-
ազգային եղբայրություն և համաշխարհային ուղղության առաջնորդ ընկեր
Լենինին»։ «Մենք որոշեցինք, — գրում էին նրանք, — վրացական բանվոր-
ների ձեռքերով ընդամենը չորս օրում վերականգնված Փոլլի կամուրջը ան-
վանել Լենինյան կամուրջ, որպեսզի նա դառնա առաջին հուշարձանը վրացի
և ուրախ պրոլետարների համատեղ, համերաշխ ընտանիքի և միավորի այդ
երկու ազգերին այնպես ամուր, ինչպես մենք միացրել ենք Կուր գետի եր-
կու ափերը։

Համաշխարհային ուղղության թանկագին առաջնորդ ընկեր Լենին, մի
մոռացեք, որ կամուրջով վրաց ժողովուրդը ձգտում է Ձեռ, որպես իր և ամ-
բողջ աշխարհի բանվորների և գյուղացիների ազատարար»²⁴,

1921 թ. հուլիսին Ալեքսանդրոպոլի գյուղական սեկոմների ներկայացու-
ցիչների համագումարը ողջունելով Վ. Ի. Լենինին, նրան ուղղած հեռագրում
նշում էր. «Մենք, Ալեքսանդրոպոլի չքավոր գյուղացիությունը, որ շահագործ-
վում էինք բեկերի և փաշաների կողմից, ներկա սովետական հասարակար-
գում օգտվում ենք ուսական ուղղության բոլոր բարիքներից, ուղղության,
որը դեռ շատ ճնշված ժողովուրդների կազատագրի նրանց դարավոր ստրկու-
թյունից։ Կեցցե՛ մեր Լենինը»²⁵։

Ողջունի բազմաթիվ հուզիչ հեռագրեր են ուղարկում Վ. Ի. Լենինին թուր-
քական զավթիչների հալածանքներից Սովետական Ռուսաստանում և Անդր-
կովկասում իրենց փրկությունը գտած բազմահազար հալ զաղթականները²⁶։
Այդ մասին բազմաթիվ փաստաթղթեր են պահպանվել Հայկական ՍՍՌ Հոկ-
տեմբերյան ուղղության և սոցիալիստական շինարարության Պետական
Կենտրոնական արխիվում²⁷։

Երևանի քաղաքային Սովետը ողջունելով իր պատվավոր անդամ ընկեր
Լենինին, գրում էր. «Սովետական Հայաստանի բանվորներն ու գյուղացիները,
սովետական մեծ ֆեդերացիայի ընդհանուր ընտանիքում, խաղաղ պայ-
մաններում կոփում են կոմունիստական հասարակության հիմքերը. նվիրվե-
լով իմպերիալիստների ու նրանց սպասարկողների հալ նացիոնալիստական
պարտիաների կողմից ավերված իրենց օջախների վերականգնման ստեղծա-
րար աշխատանքին։ Դրանով Հայաստանի աշխատավորները պարտական են
Հոկտեմբերյան Մեծ ուղղության և առաջին հերթին համաշխարհային պրո-
լետարիատի դասակարգային պայքարը ղեկավարող Ձեր հանճարին»²⁸։

²³ Ն ու լ յ ն տ ե գ ու մ, 249.

²⁴ Ն ու լ յ ն տ ե գ ու մ, էջ 226։

²⁵ ЦГАОР АрмССР, ф. 12/144, оп. 1, д. 283, л. 67.

²⁶ Ն ու լ յ ն տ ե գ ու մ, ֆ 4/114, оп. 1, л. 35, л. 34, л. 31, л. 58 և այլն։

²⁷ Տես Ն ու լ յ ն տ ե գ ու մ, ֆ. 2.

²⁸ Письма трудящихся к В. И. Ленину, стр. 359.

Անդրկովկասի աշխատավորները խորը երախտագիտությամբ էին նշում այն մեծ օգնությունը, որ իրենք ստանում էին Սովետական Ռուսաստանից:

Անդրկովկասյան ռեսպուբլիկաների պարենային աշխատողների համագումարը 1921 թ. հոկտեմբերին ընդգծում էր, որ Ադրբեջանը սովետական կարգեր հաստատելուց հետո Ռուսաստանից ստացել է մեկ միլիոն փութ հացամթերք, 50 վագոն շաքար, 34 միլիոն արշին մանուֆակտուրա և այլն²⁹, 1922 թ. փետրվարին Հայաստանի Սովետների առաջին համագումարը նշում էր, որ 1921 թ. ընթացքում Սովետական Հայաստանը ՌՍՖՍՌ-ից ստացել է 3,5 միլիոն ուլուրի՝ ոսկով, 2.895.000 փութ կենսամթերքներ և զանազան ապրանքներ³⁰: Ս. Օրջոնիկիձեն 1922 թ. դեկտեմբերին Բաքվում Սովետների անդրկովկասյան համագումարում տված զեկուցման մեջ խոսելով Սովետական Ռուսաստանից ստացվող անզնահատելի օգնության մասին, նշում էր, որ Անդրկովկասը այնտեղից ստանում է հաց, ասկի՝ Մուղանում ոռոգման սիստեմը վերականգնելու, տրակտորներ փնելու, Հայաստանում բամբակագործությունը զարգացնելու, Թիֆլիսի մոտ հիդրոէլեկտրակայան, Վրաստանում տեքստիլ ֆաբրիկա կառուցելու համար: «Սովետական իշխանությունը գոյություն ունի, իրենց ազատագրությունը, — ասում է Ս. Օրջոնիկիձեն, — Վրաստանի, Հայաստանի, Ադրբեջանի աշխատավոր մասսաները ամբողջովին պարտական են Ռուսաստանին: Եթե չլինեիր Սովետական Ռուսաստանը՝ չէր լինի Սովետական Ադրբեջանը, Սովետական Վրաստանը, Սովետական Հայաստանը»³¹: Համագումարի մասնակիցների ծափահարությունների տարափի տակ Ս. Օրջոնիկիձեն հայտարարում է, որ «Միայն Ռուսաստանի բանվորների և գյուղացիների հետ, Ռուսաստանյան կարմիր Բանակի հետ դաշինք կնքելով ադրբեջանական բանվորներն ու գյուղացիները, վրացական բանվորներն ու գյուղացիները, հայկական բանվորներն ու գյուղացիները ձեռք բերին իրենց ազատագրումը»³²:

Անդրկովկասում Սովետական իշխանության ամրապնդման ու զարգացման, ժողովուրդների բարեկամության, նրանց տնտեսական ու կուլտուրական հետագա աճի համար անզնահատելի նշանակություն ունեցան Վ. Ի. Լենինի նախաձեռնությամբ 1922 թվականին Անդրկովկասի Սոցիալիստական ֆեդերատիվ Սովետական ռեսպուբլիկայի (ԱՍՖՍՌ) և Սովետական Սոցիալիստական Ռեսպուբլիկաների Միության (ՍՍՄՄ) ստեղծումը:

Անդրկովկասում Սովետական իշխանության հաստատման առաջին իսկ օրերից Վ. Ի. Լենինը հետևողականորեն մշակում էր Անդրկովկասի սովետական ռեսպուբլիկաների միավորման գաղափարը, նշում էր նրա իրականացման կոնկրետ ուղիները: Դեռևս 1921 թ. ապրիլի 2-ին «Ազնեթի»-ի կառավարիչ Ա. Պ. Սերբերովսկուն ուղարկած նամակում Վ. Ի. Լենինը ընդգծում էր մարզային տնտեսական կենտրոնի անհրաժեշտությունը Ադրբեջանի և Վրաստանի համար³³: Նույն թվականի ապրիլի 9-ին Գ. Կ. Օրջոնիկիձեն տված հեռագրում խոսելով Անդրկովկասի պարենային ծանր վիճակի և նրանից դուրս

²⁹ Տե՛ս «Պրավդա Գրուզի»-ն, 1921, 18 հոկտեմբերի:

³⁰ «Յուրհրդային Հայաստան» № 26, 28, 1922:

³¹ Գ. Կ. Օրջոնիկիձեն, Ընտիր հոգիածներ և ճառեր, Երևան, 1950, էջ 111:

³² Նույն տեղում:

³³ Ленинский сборник. XX, стр. 158.

գալու հնարավորության մասին, Վ. Ի. Լենինը համառորեն պահանջում է ամփոփել Անդրկովկասի համար ստեղծել մարզային տնտեսական օրգան»³⁴:

1921 թ. ապրիլին Արհմիությունների համառուսաստանյան կենտրոնական Խորհրդի կոմունիստական ֆրակցիայի նիստում արտասանած եզրափակիչ ճառում Լենինն ասում էր. «Այժմ սովետական է դարձել Վրաստանը: Խոսքը կովկասյան ռեսպուբլիկաների միավորման մասին է, մեկ տնտեսական կենտրոնում՝ վրացական, ադրբեջանական և հայկական: Նավթ արտադրում է Ադրբեջանը, այն անհրաժեշտ է տանել Իսթումիի միջով վրացական տերիտորիայով, այնպես որ կլինի միասնական տնտեսական կենտրոն»:

Ադրբեջանի, Վրաստանի, Հայաստանի, Դաղստանի, Լեռնականների ռեսպուբլիկայի կոմունիստ ընկերներին ուղղած նամակում Վ. Ի. Լենինը ընդգրծում էր Կովկասի սովետական ռեսպուբլիկաների սերտ դաշինքի մասին, որը կստեղծեր ազգային խաղաղության չտեսնված օրինակ: Ա. Մյասնիկյանի հետ ունեցած զրույցում Վ. Ի. Լենինը ասում է, որ այս նամակում նա նորից հատկապես չի նշում անդրկովկասյան ռեսպուբլիկաների միավորման անհրաժեշտությունը, որովհետև ինքն այդ մասին կովկասյան ընկերներին արդեն ուղարկել է հեռագրեր՝ համապատասխան խորհուրդներով ու ցուցումներով:

Մ. Օրախելաշվիլին շատ դիպուկ կերպով նշել է, որ անդրկովկասյան ժողովուրդների պետական միավորման հայրական իրավունքը անառարկելիորեն պատկանում է Վ. Ի. Լենինին³⁵:

Անդրկովկասյան բոլշևիկները լիովին հավանություն տվեցին Անդրկովկասյան սովետական ռեսպուբլիկաների միավորման մասին լենինյան ցուցումներին և հսկայական աշխատանք ծավալեցին նրանց իրադրոժման համար: Այս գործում առանձնապես մեծ են Ս. Օրջոնիկիձեի, Ս. Կիրովի և Ա. Մյասնիկյանի ծառայությունները: 1921 թ. հուլիսին Վ. Ի. Լենինը հեռագրով Ս. Օրջոնիկիձեին հայտնում էր, որ բացի պարտիական աշխատանքի ղեկավարությունից, նրա վրա էր դրվում նաև ներքին ու արտաքին քաղաքականության ղեկավարությունը: Պարտիայի հանձնարարականով Ս. Օրջոնիկիձեն, Ս. Կիրովն ու Ա. Մյասնիկյանը պարտիական ու աշխատավորական ժողովներ են անցկացնում, ղեկուցումներ կարդում, ելույթներ ունենում, հողվածներ, բանաձևեր են գրում Կոմունիստական պարտիայի լենինյան ազգային քաղաքականության, Անդրկովկասյան ռեսպուբլիկաների միավորման լենինյան գաղափարի մասին: Անդրկովկասի աշխատավորությունը բոլշևիկների ղեկավարությամբ վճռականորեն մերկացնում էր բոլոր գույնի նացիոնալիստներին, որպես ժողովրդի բարեկամության ամրապնդման թշնամիներին:

1921 թ. նոյեմբերի 3-ին ՌԿՊ(բ) Կենտկոմի Կովկասյան Բյուրոն որոշում է ընդունում Անդրկովկասյան ռեսպուբլիկաների ֆեդերացիա ստեղծելու մասին: Այս որոշումը, որը լիովին բխում էր լենինյան ցուցումներից, մեծ համակրանքով է ընդունվում Ադրբեջանի, Հայաստանի և Վրաստանի պարտիական ու անպարտիական լայն մասսաների կողմից:

1921 թվականի նոյեմբերի 28-ին Վ. Ի. Լենինը գրում է. «Անդրկովկասյան ռեսպուբլիկաների ֆեդերացիա կազմելու վերաբերյալ առաջարկի նախագիծը», որը հաջորդ օրը ընդունվում է ՌԿՊ(բ) Կենտկոմի Քաղբյուրո-

³⁴ Վ. Ի. Լենին, Երկեր, հ. 33, էջ 521:

³⁵ Ленинский сборник, XX, էջ 178:

³⁶ М. О р а х е л а ш в и л и. Ленин и ЗСФСР, стр. 13.

յուժ: Այդ պատմական փաստաթղթում ասված էր. «1) Անդրկովկասյան ռեսպուբլիկաների ֆեդերացիան համարել սկզբունքորեն բացարձակապես ճիշտ և անպայման իրադրոժման ենթակա, սակայն գործնականապես անհապաղ իրագործելու իմաստով, այսինքն՝ վաղաժամ պահանջում է որոշ ժամանակ քննարկման, պրոպագանդայի և սովետական եղանակով ներքին անցկացնելու համար:

2) Առաջարկել (Կովկասյան բյուրոյի միջոցով) Վրաստանի, Հայաստանի և Ադրբեջանի կենտրոնական կոմիտեներին՝ ֆեդերացիայի հարցն ավելի լայնորեն դնել պարտիայի և բանվորական ու գյուղացիական մասսաների քննարկմանը, եռանդուն պրոպագանդա մղել ֆեդերացիայի օգտին և այն անցկացնել յուրաքանչյուր ռեսպուբլիկայի Սովետների համագումարների միջոցով, մեծ օպոզիցիա լինելու դեպքում ճշտորեն ու ժամանակին տեղեկացնել ՌԿԳ կենտկոմի Քաղբյուրոյին»³⁷:

Պարտիայի կենտկոմի Քաղբյուրոյի որոշման և Վ. Ի. Լենինի ցուցումների հիման վրա Անդրկովկասի սովետական ռեսպուբլիկաներում բացատրական լայն կամպանիա է ծավալվում Անդրֆեդերացիայի ստեղծման անհրաժեշտության հարցի շուրջը: Ադրբեջանի, Հայաստանի և Վրաստանի ժողովրդական լայն մասսաները միահամուռ պաշտպանում և ջերմորեն ողջունում են ֆեդերացիայի ստեղծման առաջարկը: 1921 թվականի վերջին և 1922 թվականի սկզբին ամբողջ Անդրկովկասում ծավալվում է հզոր ժողովրդական շարժում՝ Անդրֆեդերացիա ստեղծելու օգտին: 1922 թ. փետրվարին Անդրկովկասի կոմունիստական կադմակերպությունների 1 համագումարը հակահարված տալով նացիոնալիստների սակավաթիվ խմբին, հավանություն է տալիս Ադրբեջանի, Վրաստանի և Հայաստանի սովետական ռեսպուբլիկաների միջև դաշնակցային պայմանագիր կնքելու նախագծին: Մարտի 12-ին այդ պայմանագիրը հաստատվում է եղբայրական ռեսպուբլիկաների կենտրոնական գործադիր կոմիտեների թիֆլիսում տեղի ունեցած լիազոր կոնֆերանսում: 1922 թ. դեկտեմբերի 13-ին Բաքվում տեղի ունեցած Սովետների Անդրկովկասյան առաջին համագումարում որոշում է ընդունվում Անդրկովկասյան Սոցիալիստական Ֆեդերատիվ Սովետական Ռեսպուբլիկա (ԱՍՖՍՌ) կազմելու մասին: Ընդունվում է Անդրֆեդերացիայի կոնստիտուցիան:

Անդրկովկասյան ֆեդերացիան Ադրբեջանի, Վրաստանի և Հայաստանի ժողովուրդների եղբայրական միասնության և բարեկամության գաղափարների մարմնացումն էր: Իր գոյության 15 տարիների ընթացքում, մինչև 1936 թվականի վերջերը, երբ Անդրկովկասյան երեք ռեսպուբլիկաները ՍՍՌՄ նոր կոնստիտուցիայի հիման վրա դարձան միութենական ռեսպուբլիկաներ, Անդրֆեդերացիան մեծապես նպաստեց երկրամասի ժողովրդական տնտեսության և կուլտուրայի զարգացման, ազգային կադրեր աճեցնելու և դաստիարակելու գործին, ժողովուրդների բարեկամության հետագա ամրապնդմանը:

Անդրֆեդերացիան խոշոր դեր կատարեց Սովետական Սոցիալիստական Ռեսպուբլիկաները մեկ միության մեջ միավորելու լենինյան իդեալի իրականացման գործում: Անդրկովկասյան Սովետների առաջին համագումարը արտահայտելով եղբայրական ռեսպուբլիկաների աշխատավորության կամքը, որոշում է մտնել կազմավորվող Սովետական Սոցիալիստական Ռեսպուբլիկաների Միության միասնական ընտանիքի մեջ:

³⁷ Վ. Ի. Լենին, Երկեր, 7. 33, էջ 136:

Համագումարը ողջունի հեռագիր է ուղարկում Վ. Ի. Լենինին, հաստատ համոզմունք հայտնելով, որ սրա ղեկավարությունը իրենք կհասնեն Սովետական իշխանություն ամրապնդմանը և ժողովրդական տնտեսության վերականգնմանն ու զարգացմանը: Հեռագրում ասված էր. «Բաքվում գումարված Սովետների | Անդրկովկասյան համագումարը սովետական պայմաններում ամրապնդելով Անդրկովկասի երեք եղբայրական ռեսպուբլիկաների աշխատավորության անխղճի դաշինքը, վերջնականապես աղատագրվելով Անտանտի և նրա սպասարկուների — մենշևիկների, դաշնակների և մուսավաթականների լծից, որոնք արհեստականորեն երեք մասի են կտրատում Անդրկովկասի միասնական կենդանի մարմինը, հղում են Ձեզ, համաշխարհային իմպերիալիզմի դեմ ապստամբված ու ապստամբվող Արևմուտքի և Արևելքի բազմամիլիոն աշխատավոր մասսաների առաջնորդին, մեր եղբայրական, բոցավառ հարավային ողջունը: Հաստատելով ամուր ազգային խաղաղություն, որպես Անդրկովկասում Սովետական իշխանության գրավականը և միասնական ընտանիքով մանելով Սովետական Սոցիալիստական Ռեսպուբլիկաների Միության միասնական ընտանիքի մեջ, մենք հաստատ վստահություն ենք հայտնում, որ Ձեր փորձված ու հմուտ ղեկավարությամբ և Կոմիտեների գրոշով մենք այստեղ՝ Արևելքի նախադուռը, կհասնենք Սովետական իշխանության հզոր ամրապնդմանը, մեր միասնական տնտեսության վերածննդին:

Կեցցե բոլոր Սովետական ռեսպուբլիկաների միասնական մեծ ընտանիքը:

Կեցցե թանկագին Իլլիչը»³⁸:

Սովետական ռեսպուբլիկաների միավորման գաղափարը առաջ էր քաշել Վ. Ի. Լենինը: Նա տեսականորեն բազմակողմանի մշակել էր և անձամբ ղեկավարում էր ՍՍՌՄ-ի ստեղծման պրակտիկ աշխատանքը՝ ելնելով Մեծ Հոկտեմբերի նվաճումները պաշտպանելու ու ամրապնդելու, Սովետական երկրի սուվերենությունը պահպանելու, տնտեսական քայքայումը լիկվիդացնելու, սոցիալիզմ կառուցելու հոյակապ խնդիրներից: Հոկտեմբերյան ռեյոլուցիայից անմիջապես հետո, քաղաքացիական պատերազմների ծանր ժամանակաշրջանում, Վ. Ի. Լենինը ընդգծում էր ազգերի կամավոր դաշինք ստեղծելու անհրաժեշտությունը, որը պետք է իրացվեր մեծագույն համբերատարությամբ և զգուշությամբ, հիմնվեր տարրեր ազգերի լիակատար վստահության, եղբայրական միասնության պարզ գիտակցման վրա: Վ. Ի. Լենինը խստորեն դատապարտում էր այս հարցում ամեն տեսակի շտապողականությունը, վարչարարությունը: Նա վճռականորեն պայքարում էր ազգային հարցում մեծապետական շովինիզմի և տեղական նացիոնալիզմի ամեն տեսակի արտահայտությունների դեմ, նշում էր նրանց վտանգավորությունը պրոլետարական ինտերնացիոնալիզմի մեծ գործին:

Այս հարցերի կապակցությամբ պարտիայի Կենտրոնական Կոմիտեին ուղարկած նամակում Վ. Ի. Լենինը ընդգծում էր ցարիզմի կողմից նախկինում ճնշված բոլոր ազգերի տնտեսական, քաղաքական ու կուլտուրական շահերի նկատմամբ ծայրահեղ բարեկամական վերաբերմունքի անհրաժեշտությունը, Սովետական ռեսպուբլիկաները միավորելիս նրանց լիակատար իրավահավասարության սկզբունքի խստագույն պահպանումը:

³⁸ Письма трудящихся к В. И. Ленину, стр. 352—353.

1922 թվականի օգոստոսի 10-ին պարտիայի Կենտկոմի Քաղբյուրոն Ի. Վ. Ստալինի նախագահությամբ հատուկ հանձնաժողով էր ստեղծել ՍՍՍՐ կազմելու հարցը նախապատրաստելու համար: Այդ հանձնաժողովի մշակած թեզիսներում նշվում էր, որ սովետական ռեսպուբլիկաները պետք է միավորվեն «ավտոնոմիայի» սկզբունքով, այսինքն նրանք պետք է մտնեն ՌՍՖՍՌ-ի մեջ ավտոնոմիայի հիմունքով:

1922 թվականի սեպտեմբերին Գորկիում ժանոթանալով ՍՍՍՐ կազմելու մասին պարտիայի Կենտկոմի Քաղբյուրոյի Ի. Վ. Ստալինի նախագահությամբ գործող հատուկ հանձնաժողովի ներկայացրած թեզիսներին, որոնց հիմքում դրված էր «ավտոնոմիզացիայի» սկզբունքը, այսինքն ռեսպուբլիկաների միավորումը նրանց ՌՍՖՍՌ-ի մեջ մտնելու միջոցով, Վ. Ի. Լենինը վճռականորեն առարկում է դրան: Սեպտեմբերի 27-ին Քաղբյուրոյի անդամներին գրած նամակում նա խիստ քննադատության է ենթարկում այդ պակցության Ի. Վ. Ստալինի կազմած նախագիծը և առաջարկում է բոլոր սովետական ռեսպուբլիկաների, այդ թվում նաև ՌՍՖՍՌ-ի, միասնական միութենական պետության մեջ լիակատար իրավահավասարության հիման վրա միավորելու սկզբունքը: «Մենք,—գրում էր Վ. Ի. Լենինը,—մեզ իրավահավասար ենք ճանաչում Ուկրաինական ՍՍՌ-ի և մյուսների հետ և նրանց հետ մեկտեղ ու նրանց հետ հավասարապես մտնում ենք նոր միության, նոր ֆեդերացիայի մեջ...»³⁹:

Վ. Ի. Լենինը ամենայն անողորմությամբ հանդես էր գալիս մեծապետական շովինիզմի դեմ: Այս մասին 1922 թ. հոկտեմբերի 6-ին նա հատուկ գրություն է ուղղում պարտիայի Կենտկոմի Քաղբյուրոյին, որի մեջ նշում էր. «Վերլիդուսական շովինիզմին հայտարարում եմ ոչ թե կյանքի, այլ մահվան կոիպ: Հենց որ ազատվեմ անիծյալ ատամից, նրան կուտեմ բոլոր առողջ ատամներովս:

Հարկավոր է բացառակորեն պահանջել, որպեսզի Միութենական Կենտգործկոմում նախագահեն հերթով

ռուս

վրացի և այլն:

Բացառակորեն՝⁴⁰:

Հաշվի առնելով Վ. Ի. Լենինի ցուցումները, Կենտկոմի հանձնաժողովը վերամշակում է ՍՍՍՐ կազմելու մասին բանաձևի նախագիծը, որը հաստատվում է Կենտկոմի 1922 թվականի Հոկտեմբերյան պլենումում:

Պլենումի այդ պատմական որոշման մեջ ասված էր. «Անհրաժեշտ համարել պայմանագրի կնքումը Ուկրաինայի, Բելոռուսիայի, Անդրկովկասյան ռեսպուբլիկաների ֆեդերացիայի և ՌՍՖՍՌ միջև՝ «Ողջիալիստական Սովետական Ռեսպուբլիկաների Միության» մեջ նրանց միավորման մասին՝ նրանցից լուրաքանչյուրին վերապահելով «Միության» կազմից ազատորեն դուրս գալու իրավունքը»: Դեկտեմբերի 17-ին պարտիայի Կենտկոմի պլենումը Վ. Ի. Լենինի առաջարկով որոշում է՝ կազմել ՍՍՍՐ և ընտրել Կենտգործկոմի չորս նախագահներ՝ այն ժամանակ գոյություն ունեցող միութենական ռեսպուբլիկաների քանակին համապատասխան:

Դեկտեմբերի 24-ին Սովետների համառուսաստանյան X համագում-

³⁹ Վ. Ի. Լենին, Երկեր, հ. 36, էջ 853:

⁴⁰ Ն ու լ յ ն տ ե դ ու մ, հ. 33, էջ 438:

մարում Ուկրաինայի, Բելոռուսիայի, Ալբերջանի, Վրաստանի, Հայաստանի և այլ ռեսպուբլիկանների ներկայացուցիչները նշում էին ուսումնական ժողովրդի ազատագրական միսիայի մասին, ընդգծում նրա հետ կամավոր կերպով մի քաղաքացի ընտանիքում պետականորեն միավորվելու բուռն ցանկությունը:

ՍՍՌԽ կազմելու լենինյան առաջարկության օգտին արտահայտվեցին սովետական բոլոր ազգային ռեսպուբլիկանների աշխատավորները, Սովետների համագումարները: 1922 թվականի դեկտեմբերի 30-ին Մոսկվայում կայացած ՍՍՌԽ Սովետների I համագումարը հաստատեց Սովետական Սոցիալիստական Ռեսպուբլիկանների Միություն կազմելու մասին՝ Ինկլարացիան և Միութենական պայմանագիրը, ընտրեց Կոոպերացիոն օրենսդիր օրգան՝ ՍՍՌԽ Կենտգործկոմ, որի նախագահ ընտրվեց Մ. Ի. Կալինինը: Վ. Ի. Լենինն ընտրվում է ՍՍՌԽ Ժողովմասովետի նախագահ:

Ծանր հիվանդության պատճառով Վ. Ի. Լենինը այս համագումարին չէր մասնակցում, սակայն նրա աշխատանքներն ընթացան Վ. Ի. Լենինի ցուցումներին լիովին համապատասխան: Սկսելով իր աշխատանքները, համագումարը Վ. Ի. Լենինին ընտրում է պատվավոր նախագահ և բոցավառ ողջուն ռեդարկում նրան:

Սովետական իրավահավասար ժողովուրդների կամավոր Միության կազմվելը լենինիզմի գաղափարների, Կոմունիստական պարտիայի լենինյան ազգային քաղաքականության պատմական հաղթանակն էր: Նրա ոգեշնչող ու կազմակերպիչը լենինյան պարտիան էր իր առաջնորդ Վ. Ի. Լենինի անմիջական ղեկավարությամբ:

ՍՍՌԽ-ի ստեղծումը համաշխարհային պատմական նշանակություն ուներ: Ամբողջ աշխարհին ցույց էր տրվում, որ Պրոլետարիատը սովետական հասարակարգի մեջ գտավ ազգային հարցի ճիշտ լուծման բանալին, նա այդ հասարակարգի մեջ հայտնագործեց ազգային իրավահավասարության և կամավորական հիմունքներով կայուն բազմազգ պետություն կազմակերպելու ուղին⁴¹:

Մինչև իր կյանքի վերջին օրերը Վ. Ի. Լենինը խորապես մտահոգված էր ազգային ճիշտ քաղաքականությունն իրականացնելու, ՍՍՌԽ-ն ամրապնդելու, ժողովուրդների բարեկամության և պրոլետարական ինտերնացիոնալիզմի սկզբունքների հետևողական պահպանման հարցերով: Նրան խիստ անհանգստացնում էին վելիկոռուսական շովինիզմի, ինչպես նաև տեղական նացիոնալիզմի արտահայտությունները որոշ ընկերների մոտ, ազգային հարցում եղած թեքումները:

Նա ուշադրությամբ հետևում էր սովետական ռեսպուբլիկանների զարգացմանը, ուրախանում էր նրանց հաջողություններով, ընդունում ռեսպուբլիկանների ներկայացուցիչներին, զրուցում նրանց հետ, ողջուններ էր ուղարկում Անդրկովկասի աշխատավորությանը, ցուցումներ տալիս՝ ծախսահոգատարություն ցուցաբերել նախկինում ճնշված ժողովուրդների շահերի նկատմամբ:

1922 թ. ապրիլի վերջին Վ. Ի. Լենինը հեռագիր է ուղարկում Բաքու՝ Ազնեթի բանվորներին և ինժեներներին, շնորհակալություն հայտնելով նրանց Սուրախանի նավթահանքերում հրդեհը մեկուսացնելու գործում

⁴¹ ՍՄԿԴ-ն... բանաձևերում, մաս 1, էջ 910:

ցուցաբերած հերոսություն համար՝ Հոկտեմբերի սկզբին հաշվետվություն լսելով Ազնեթի վիճակի մասին, Վ. Ի. Լենինը Բաքվի բանվորներին դրում էր. «Թանկագին ընկերներ՝ Հենց նոր ես լսեցի ընկ. Սերբերովսկու կարճ հաշվետվությունն Ազնեթի դրության մասին: Այդ դրության մեջ դժվարությունները շատ քիչ չեն: Հղելով ձեզ իմ ջերմագին ողջունը, խնդրում եմ մերձավոր ժամանակում ամեն կերպ դիմանալ: Մեզ համար առանձնապես ծանր է սկզբում: Հետո ավելի կհեշտանա: Մենք հաղթանակի պետք է հասնենք և կհասնենք, ինչ էլ որ լինի:

Մի անգամ ես հղում եմ ձեզ կոմունիստական լավագույն ողջուններ»⁴²:

Ընդունելով Ադրբեջանի Կենտգործկոմի նախագահ, հին պարտիական Ս. Ա. Աղամալիօղլուն, Վ. Ի. Լենինը մանրամասն հետաքրքրվում է Անդրկովկասի վիճակով, բազմաթիվ հարցեր է տալիս Անդրկովկասյան Միութենական Սովետի աշխատանքի, երկրամասի կառավարման, ադրբեջանական բանակի քանակի վերաբերյալ. հետաքրքրվում է Սովետական Հայաստանով: Ուշադիր լսելով Ս. Աղամալիօղլու պատասխանները Ադրբեջանում իրականացվող սոցիալիստական միջոցառումների մասին, Վ. Ի. Լենինը հարցնում է. «Իսկ ինչպես են այդ բոլորին վերաբերվում ադրբեջանական բանվորներն ու գյուղացիները»: Իր հիշողություններում պատմելով մեծ առաջնորդի հետ ունեցած իր այս անմոռանալի հանդիպման մասին, Ս. Աղամալիօղլին ասում է. «Ես վերակենդանացել էի, ոգեշնչվել: Անհրաժեշտ է տասնապատկել աշխատանքը»:

1922 թվականի դեկտեմբերին Վ. Ի. Լենինի հետ Գորկիում հանդիպում է ունենում Ա. Մյասնիկյանը: Այդ ժամանակ Վ. Ի. Լենինի առողջության վիճակը բարելավվել էր, նա պատրաստվում էր վերադառնալ Մոսկվա, աշխատանքի: Ձմռան էր, Միտավա էր, — հիշում է Ա. Մյասնիկյանը Վ. Ի. Լենինի մասին: — Դանդաղությամբ միայն այն բանից, որ բժիշկները չարչարում էին իրեն, նրա ստամոքսը լցնում էին դեղերով ու փչացրել էին այն. ասում էր, թե այժմ իրեն լավ է զգում և հույս ունի առաջվա պես աշխատելու: Վ. Ի. Լենինը բազմաթիվ հարցեր է տալիս Ա. Մյասնիկյանին, հետաքրքրվում է շատ բաներով և մասնավորապես Անդրկովկասի վիճակով: «Շատ հարցեր էր տալիս, — պատմում է Ա. Մյասնիկյանը, — ըստ սովորության՝ աշխույժ կերպով հետաքրքրվում էր ամեն բանով, խոսում էր անդրկովկասյան գործերի մասին: Հարցնում էր, թե արդյոք ոտքի կանգնել է ավերված Հայաստանը, ինչ դրության մեջ է այնտեղ բամբակը, ոռոգումը, պարենամթերքը, բավականաչափ ամուր է արդյոք ազգային Կարմիր Բանակը, չեն նեղացնում արդյոք ամանր մարդկանց», ազիտացիա չի՞ մղվում արդյոք բուրժուական ինտելիգենցիայի կողմից, չե՞ն խոսում արդյոք ռուսական սվինների մասին և այլն: Ես հեռացա նրանից այն տպավորության տակ, թե Անդրկովկասյան ֆեդերացիան և այն ժամանակ ընկեր Լենինի գաղափարով ծրագրվող Սովետական Ռեսպուբլիկաների Միությունն ավելի ևս կամրապնդեն ազգամիջյան լարեկամությունը և կուժեղացնեն Սովետական իշխանությունը»⁴³:

⁴² Վ. Ի. Լենին, Երկեր, հ. 33, էջ 440:

⁴³ Հիշողություններ Վ. Ի. Լենինի մասին, հ. 2, էջ 101—102:

1922 թվականի վերջին և 1923 թվականին ծանր հիվանդության պայմաններում Վ. Ի. Լենինը կարևորագույն ղիկակախություններ է տալիս պարտիային, թեկադրում է մի շարք նամակներ և հոդվածներ (եկեղի օրագրից, «Կոոպերացիայի մասին», «Ինչպես վերակազմենք Բանգյուդտեստությունը», «Մեր ռեյտուցիայի մասին», «Էսով է քիչ, բայց լավ», «Նամակ համագումարին», «Օրենսդրական ֆունկցիաները Պետականին հանձնելու մասին», «Ազգությունների կամ ազգայնագրացիայի հարցի շուրջը»), որոնց մեջ խորապես հիմնավորում և զարգացնում է ՍՍՄԽ-ում սոցիալիզմի կառուցման իր պլանը, կոնկրետ ցուցումներ է տալիս սոցիալիստական շինարարության կարևորագույն հարցերի մասին:

Վ. Ի. Լենինի այս վերջին աշխատություններում, որոնք նրա յուրահատուկ քաղաքական կտակն էին պարտիային, մեծ առաջնորդը ընդգծում էր, որ Սովետական երկրում կա այն բոլորը, ինչ անհրաժեշտ է լիակատար սոցիալիստական հասարակարգ կառուցելու համար: Նա խորապես համոզված էր, որ ամբողջ աշխարհում սոցիալիզմի հաղթանակն ապահովված է: «Պայքարի ելքը, վերջին հաշիվով կախված է նրանից,— գրում էր Վ. Ի. Լենինը «Էսով է քիչ, բայց լավ» հոդվածում,— որ Խուսաստանը, Հնդկաստանը, Չինաստանը և այլն կազմում են բնակչության հսկայական մեծամասնությունը: Իսկ բնակչության հենց այդ մեծամասնությունն է, որ վերջին տարիների ընթացքում արտասովոր արագությամբ ներգրավվում է իր ազատագրման պայքարի մեջ, այնպես որ այդ իմաստով կասկածի նշույլ անգամ չի կարող լինել, թե ինչպիսի վերջնական լուծում կունենա համաշխարհային պայքարը: Այդ իմաստով սոցիալիզմի վերջնական հաղթանակն ապահովված է միանշանակ և անպայման»⁴¹:

Մեծ նշանակություն տալով Կոմունիստական պարտիայի ազգային քաղաքականության հետևողական և ճիշտ իրականացմանը, Վ. Ի. Լենինը «Ազգությունների կամ ազգայնագրացիայի» հարցի շուրջը» նամակում, որը նա թեկադրել էր 1922 թ. դեկտեմբերի 30-ին և 31-ին, պահանջում էր խստորեն պահպանել պրոլետարական ինտերնացիոնալիզմի սկզբունքները, ապահովել ազգությունների լիակատար, իրական իրավահավասարությունը, մեծագույն ուշադրությամբ վերաբերվել տարբեր ազգությունների շահերին, առանձնահատկություններին, ամրապնդել յուրաքանչյուր ռեպուբլիկայի ինքնուրույնությունը Սովետական երկրի մեծ ընտանիքում:

Անդրկովկասյան ֆեդերացիայի ստեղծման հարցի կապակցությամբ լուրջ կոնֆլիկտ էր առաջացել Վրաստանի Կոմպարտիայի Կենտկոմում: Նրա անդամներից մի քանիսը՝ Մդիվանին, Մախարաձեն, Օկուջալան և ուրիշներ գեմ էին Անդրֆեդերացիայի ստեղծմանը: Այս հարցերի քննարկման համար պարտիայի Կենտկոմի քարտուղարությունը 1922 թ. նոյեմբերի վերջին ստեղծում է հատուկ հանձնաժողով, որը Խիֆլիսում աշխատելուց հետո, քննարկման արդյունքների մասին զեկուցում է Վ. Ի. Լենինին: Ծանոթանալով նյութերին, Վ. Ի. Լենինը դժգոհ է մնում հանձնաժողովի աշխատանքից, որն անհրաժեշտ աշարքություն և համերաշխար վերաբերմունք ցույց չէր տվել «Վրացական միջադեպը» քննելիս: Մեծ կարևորություն տալով այս հարցին

⁴¹ Վ. Ի. Լենին, Երկեր, հ. 33, էջ 397:

«Ազգությունների կամ «ավտոնոմիզացիայի» հարցի շուրջը» նամակում Վ. Ի. Լենինը վճռականորեն դատապարտում էր մեծապետական թեքումը ազգային հարցում, որպես այն պայմաններում գլխավոր վտանգի: «... Ոչ մի բան այնպես չի կասեցնում պրոլետարական դասակարգային համերաշխության զարգացումն ու ամրապնդումը — գրում էր Վ. Ի. Լենինը, — ինչպես ազգային անարդարությունը, և «վիրավորված» նացիոնալները ոչ մի բանի նկատմամբ այնպես գգայուն չեն, ինչպես համասարության զգացմունքի և այդ հավասարության խախտման նկատմամբ, իր ընկեր պրոլետարների կողմից թեկուզ նույնիսկ անփութորեն, թեկուզ նույնիսկ կատակի ձևով այդ հավասարությունը խախտելու նկատմամբ»⁹⁵:

Վ. Ի. Լենինը պահանջում էր ծայրահեղ զգույշ, համբերատար, մեղմ, զիջող լինել նախկինում ճնշված փոքր ազգերի, ժողովուրդների նկատմամբ, որոնք պատմական անցյալում հալածվել են, վիրավորանքների, բռնությունների ենթարկվել «մեծապետական» ազգի կառավարության, ցարիզմի կողմից:

Վ. Ի. Լենինը նշում էր, որ պրոլետարական ինտերնացիոնալիզմի, ժողովուրդների բարեկամության քաղաքականության խեղաթյուրումը կարող է խախտել Կոմունիստական պարտիայի և Մովսեսական իշխանության հեղինակությունը: Ծնշված ժողովուրդների նկատմամբ, թեկուզ և նույնիսկ մանրուքներում, — ասում էր Վ. Ի. Լենինը, — իմպերիալիստական վերաբերմունք ցուցաբերելով մենք խախտում ենք «մեր ամբողջ սկզբունքային անկեղծությունը, իմպերիալիզմի դեմ մղվող պայքարի մեր ամբողջ սկզբունքային պաշտպանությունը»⁹⁶:

Վ. Ի. Լենինը բոլոր Կոմունիստներին, աշխատավորությանը դաստիարակում էր պրոլետարական ինտերնացիոնալիզմի և ժողովուրդների բարեկամության ոգով, կոչ էր անում անողոք պայքար մղել մեծապետական շովինիզմի և տեղական նացիոնալիզմի բոլոր տեսակի արտահայտությունների դեմ, ամրապնդել բարեկամական դաշինքը ռուս ժողովրդի և բազմազգ սոցիալիստական հայրենիքի մյուս բոլոր ժողովուրդների միջև:

Սրբությունը կատարելով Վ. Ի. Լենինի ցուցումները, հետևողականորեն իրականացնելով Անդրկովկասյան ֆեդերացիայի ստեղծման լենինյան գաղափարը, կամավոր կերպով մտնելով ՍՍՍՐ ժողովուրդների միասնական ու անխախտ, եղբայրական ընտանիքի մեջ, Անդրկովկասի աշխատավորները Կոմունիստական պարտիայի ղեկավարությամբ, իրենց սիրելի առաջնորդ Վ. Ի. Լենինի ղլխավորությամբ արագորեն վերականգնում են իրենց ռեսպուբլիկաների ժողովրդական տնտեսությունը, զարգացնում ձևով ազգային, բովանդակությամբ սոցիալիստական կուլտուրան, ցույց են տալիս ազգային համերաշխության հիանալի օրինակ:

⁹⁵ Վ. Ի. Լենին, Երկեր, հ. 36, էջ 704:

⁹⁶ Ն ու յ ն տ ի դ ու մ, էջ 707: